

禪林類聚

三

漢書門			
三	三	三	三
四	四	四	四
七	七	七	七
二	二	二	二
冊	架	函	號類

內閣文庫			
三	三	三	三
四	四	四	四
七	七	七	七
二	二	二	二
冊	架	函	號類

內閣文庫		
番號	漢	3346
冊數	20	( 3 )
函號	310	170



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



禪林類聚卷第三

雍熙禪寺集 嗣毘丘道泰

天寧禪寺首座比丘智曉集

伽藍

殿堂

塔廟

丈室

門戶


橋路并附

伽藍

世尊與衆行次以手指地云此處宜建梵刹帝釋將一莖草揮於地上云建梵刹已竟世尊微笑

童子覺頌云百草頭上無邊春信手拈來用得親丈六金身功德聚等閑攜手入紅塵塵中能作主化外自來賓觸處生涯隨分足未嫌伎倆不如人

世尊因地布髮掩泥獻花於然燈佛然燈見布髮處遂約退衆乃指地云此一方地宜建一刹時衆中有賢于長者



頁三

持標於指處。拈云：建梵刹已竟時，諸夫雨花讚嘆云：庶子有太智矣。

無着禪師因往五臺禮文殊，因告辭文殊，舍均提童子送出門首。師問：此寺是何名額？童子指金剛背後師回首寺，與童子俱隱沒，只見荒草空谷。

洞山云：欲觀其父，先觀其子。烏車行云：此是兄弟合做底事，還會麼？聖寺忽然隱處，無着已眼親開，童子再三喚時，數目十分具足。

明招謙頌云：鄆周沙界聖伽藍，滿自文殊接話談。言下不知開佛眼，回頭只見翠山巖。正覺逸云：寸額突然耀指端，大悲千眼莫能觀。自從一覩金剛背，直至如今作野盤。佛印元云：樓臺雖有額，全無試問頑童起劫。

初忽指金剛看背後，年衰多被鬼挪揄。道吾真云：前後三三是多少，大事光輝明皎皎。回頭不見解空人，蒲自白雲臥荒草。

趙州詵禪師僧問：如何是清淨？伽藍師云：角女子云：如何是伽藍中人？師云：角女子懷胎。

汾陽昭頌云：橫肩抱腹藏龍種，刻膽披肝觸鳳胎。勿謂此兒容易得，須知出自痛腸來。海印信云：咄！這老竭得恁饒舌，清淨伽藍一時漏泄。金剛門外笑呵呵，菩薩堂中聲哽咽。古德云：伽藍雖是常清淨，角懷胎不識著。無意氣時添意氣，不風流處也風流。

趙州僧問：清淨伽藍為甚，麻有塵？師云：又一點也。又問：如何是伽藍師？云：兩佛殿。

洞山初禪師僧問古寺清幽如何辨主師云責云作何方  
便得觀慈悲師云焚香胡跪  
首山念禪師僧問既是清淨伽藍為甚麻打魚鼓喫飯師  
云知恩者少負恩者多  
西院明禪師僧問如何是伽藍師云荆棘叢林云如何是  
伽藍中人師云獾兒貉子

圓悟勤頌云毫髮不留縱橫自由關外乾坤廓落大方  
無外優游明明祖師意明明百皂頭禡破狐疑網截斷  
愛河流縱有回天力爭如直下休四衢道中淨裸裸放  
出瀉山水牯牛

石藏炬禪師僧問如何是伽藍師云只這箇云如何是伽  
藍中人師云作麼作麼僧云忽遇客來將何祇待師云喫

權大丸  
壯狼也  
格切谷  
狐貉

茶去

葉縣省禪師僧問既是清淨伽藍為甚麼打魚鼓喫飯師  
云打草蛇驚

法華舉禪師到公安遠和尚處遠問作麼生是伽藍師云  
深山藏獨虎淺草露攀蛇遠云作麼生是伽藍中人師云  
青松蓋不得黃葉豈能遮遠云道甚麼師云少年既盡天  
邊月潦倒浮桑沒日頭遠云丁句兩句雲開月露作麼生  
師云照破佛祖

長慶用禪師僧問如何是伽藍師云長溪蒲田云如何是  
伽藍中人師云新羅白水

福林澄禪師僧問如何是伽藍師云勿幡幘云如何是伽  
藍中人師云瞻禮即有分

洞山下

白水仁法嗣

靈鑒禪師僧問如何是清淨伽藍師云牛欄是

長興蒲禪師僧問如何是清淨伽藍師云蒲院是蒼蠅

圓通訥禪師僧問祖刹重興時如何師云人在破頭山云

一朝權在手師便打

重雲暉禪師一日閑步巖岫間條觀摩訶數珠銅餅樓笠

觸之即壞乃謂侍者云此吾前身道真耳欲就茲建寺以

酬宿因當薙草開基時有祥雲蔽日屯于峰頂久而不散

因即為重雲先是谷多猛獸皆自引去及塞龍潭以通徑

龍亦他徙

神山密禪師與洞山行次洞指路傍一院云裏面有又說

心說性師云是誰洞云被師伯一問直得去死十分師云

說心說性者誰洞云死中得活

曹山本寂禪師僧問如何是無相道場師云曹山肚不大

圓悟勤云虛空裏架瀨不妨却有包含若是蔣山則不

然忽有又問如何是無相道場對云清涼寶山萬菩薩

四面津禪師問修造僧本自圓成何得開山造寺云擔枷

過狀師云未更道云兩重公案師拈棒其僧擬議師便

打之

石門徹禪師僧問如何是無相道場師云月照水澄澄青

山無異路云如何是道場中人師云我今向汝說汝還會

也麼

長興滿禪師僧問如何是古佛道場師云行便踏着云踏

着後如何師云冰消瓦解云為其如此師云城裏君子郭

外小兒

大陽堅禪師僧問如何是無相道場師云不坐菩提樹懶  
 向雪山遊又云佛殿裏懸幡  
 寶蓋山禪師僧問問無漏舍合是何人居師云無名不  
 掛體云還有位也無師云不處  
 金峰志禪師因曹山問作甚麼來師云蓋屋來山云了也  
 未師云了也云這邊事則了那邊事作麼生師云候一日  
 來白和尚山云如是如是  
 梁武帝問達磨起寺現歸般若寺被火焚火見水

殿堂

投子大同禪師僧問如何是空王殿師云建立不得  
 雪峰存禪師僧問如何是空王殿師云大小云如何是空  
 王佛師云是甚麼  
 雲門偃禪師僧問古殿無佛時如何師云梵音何來  
 南堂靜頌云古殿無佛梵音何來夢中喚省樓閣門開  
 靈光一點絕塵埃耀古騰今徧九垓  
 雲門問修造庵主云佛殿拆了也忽然施主來將何瞻敬  
 主合掌師云奴見婢慇懃  
 雲門僧問萬機喪盡時如何師云與我拈佛殿來與汝商  
 量云豈干他事師咄云這掠虛漢  
 雲門云你諸人擔鉢囊行脚不知有佛法佛殿上蚤吻却

知有佛法自代云佛殿裏裝香三兩外合掌又一日云日  
謝樹無影這箇是佛殿那箇是無影自代云洎分南北  
雲門因見僧在殿角立次乃拍手一下云佛殿露柱走入  
庫厨去也僧回首看師云見你不會却來祇候佛殿  
太原孚上座因在徑山太佛殿前有僧問上座曾到五臺  
不座云曾到云還見文殊麼座云見云甚麼處見座云徑  
山佛殿前見  
保福展禪師云如今有人從佛殿後過便知是李四張三  
有人從佛殿前過為甚麼不見且道佛法利害在甚麼處  
僧云為伊有一分塵境所以不見師便喝復自代云若是  
佛殿即不見僧云不是佛殿還見麼師云不是佛殿見箇  
甚麼

南院顯禪師僧問古殿重興時如何師云明堂瓦掛簷云  
恁麼則莊嚴畢備去也師云動草蛇頭落

古德頌云縱奪之機安可測隨言生解實堪悲曉來一  
陣春風起吹落庭前三四枝

首山念禪師僧問若能轉物即同如來三門佛殿請師轉  
師云長安道上無私曲縱遇知音到者稀

智門祚禪師僧問承教有言譬如摩尼寶殿三角常隱一  
角常現如何是常現底一角師云險又問空王殿中以何  
為侍者師云樓至佛

白雲端禪師示眾云若端的得一回汗出來便向一莖草  
上現瓊樓玉殿若未端的得一回汗出來縱有瓊樓玉殿  
却被一莖草蓋却作麼生得汗出去自有一雙窮相手不

曾容易舞三臺

徑山果云一莖草上現瓊樓玉殿決定可信瓊樓玉殿  
被一莖草蓋却莫被他熱謾徑山恁麼道為已得一回  
汗出者說若未得一回汗出者切不得疑着

朱溪謙禪師因饒州刺史與師造大藏殿師與一僧同看  
殿次師喚某甲僧應諾師云此殿着得多少佛云着即不  
無有人不肯師云我不問這箇人僧云恁麼即某甲亦未  
曾祇對珍重

西禪欽禪師僧問古殿重興時如何師云一回春到一回  
新

龍潭圓禪師僧問古殿無佛時如何師云三門前合掌  
雲蓋山有僧乞瓦造殿有官人問既是雲蓋山何用乞瓦僧

無對

同安顯代云空遇奇人

德山鑒禪師行脚時挾複子到瀉山直上法堂去從西過  
東從東過西顧視方丈瀉山不顧師云無無便出去顯贊  
語云也顯贊師至門首却云也不得草草却具威儀再入相見  
纔跨門提起坐具召云和尚瀉擬取拂子師便喝拂袖而  
出顯贊云也瀉至晚問首座今日新到在不座云當時昔却  
法堂着草鞋出去了也瀉云還識此人麼座云不識瀉云  
此子已後向孤峰頂上盤結草庵呵佛罵祖去在顯贊云  
五祖戒云德山作賊人心虛瀉山賊過後張弓 徑山  
果云二尊宿恁麼相見每人失却一隻眼  
雪竇顯頌云一勘破二勘破雪上加霜曾嶮隨飛騎將



軍入虜庭再得完全能幾箇急走過莫放過孤峰頂上  
 草裏坐上方益云偷營所寨入中軍應是機謀已十  
 分袖裏金鉗猶未動山前飛騎去紛紛海印信云虎  
 穴深林人不到到者還須是獵人老虎睡驚馬纔舉自驚  
 然跳出獲全身佛鑑勸云德山老能法戰一喝聲光  
 吼雷電騎虎頭号收虎尾持虎鬚号真可羨急走下山  
 三十里又被馮山追一箭

月華禪師因一老宿入到法堂顧視東西云好箇法堂要  
 且無主師聞之乃云且坐喫茶宿便問玄中最的猶是龜  
 毛兔角不向二諦中修如何家用師云側宿云與麼則拗  
 折拄杖割斷草鞋去也師云細而詳之  
 長沙岑禪師云我若一向舉揚宗旨法堂前須草深一丈

法華舉云不可為閣梨鎖却僧堂門去也雖然如是也  
 是烏龜陸地弄塵行

牛頭忠禪師欲於殿東別創法堂先有古木羣鵲巢其上  
 工人將伐之師謂鵲曰此地建法堂汝等何不速去言訖  
 羣鵲乃遷巢他樹初築基日有二神人定其四角復潛資  
 夜役堂不日而就

雲門偃禪師因開法堂門乃云作麼生是入門一句有僧  
 云請師云撥桶僧無對師代云掩面出去代後語云道着  
 又一日示眾云諸方老宿盡道聲色外有一段事似這般  
 語話三問法堂裏獨自妄想未曾夢見我本師宗旨作麼  
 生消他信施膺月三十日各償他始得乃躑跳云你諸人  
 各自努力

長慶稜禪師謂眾云我若純舉唱宗乘須閉却法堂門所以道盡法無民時有僧云不怕無民請師盡法師云還委落處麼

安國瑯禪師舉稜和尚住招慶時在法堂東角立謂僧云這裏好致一問僧便問和尚為何不居正位稜云為汝恁麼來僧云即今作麼生稜云用汝眼作麼師舉畢乃云他家恁麼問別是箇道理如今作麼生道後安國云恁麼即太眾一時散去得也師自代云恁麼即太眾一時禮拜保華禪師見僧從法堂階下過師乃敲禪床作聲僧云若是這箇不消拈出師喜近前詰之僧無說師便打南臺藏禪師僧問如何是法堂師云無聲落大安禪師有僧來參直上法堂顧視不見師乃云好箇法

堂只是無入師從方丈出云作麼僧無語

葉縣省禪師僧問纔上法堂來時如何師拍禪床下僧云未審此意如何師云無人過價打與三伯

法昌遇禪師將起法堂問英勝二首座云我欲來這裏起法堂且道作得箇甚麼向當英云賊是小人師云邵武子動着便作屎臭氣英云曾經霜雪苦師云明珠自有千金價誰肯林間打雀兒英云天似持鉢不得詐道不飢師却指勝云你且道作得箇甚麼向當勝云本來無位次不用強安排師云你這驢漢向甚麼處着勝云在鑽龜打瓦師云也只是箇杜撰巡官英云若是千金寶何須打雀兒師云東家人死西家人助哀英云路見不平白雲端禪師懺新法堂上堂僧問石霜之堂為枯木鹿苑

之堂號金剛承天此日新堂座名箇甚麼師云你出家也未云畢竟如何名邈師云面前有露柱僧禮拜

為山祐禪師與陸侍御同入僧堂陸乃問如許多師僧為復是喫粥飯僧為復是參禪僧師云亦不是喫粥飯僧亦不是參禪僧陸云在此作甚麼師云侍御自問他看

佛鑑勲云為山元來小膽被這俗官一問直得手忙脚

亂閉云關門若是老僧即不然大開門戶教伊入來此

是參禪僧喫粥飯僧向伊道此是喫粥飯了參禪僧待

伊眼睛定動便與木樵子換却教伊做箇惺惺歷歷底

侍御若處廟堂之高即致君為堯舜之君或在江湖之

上則致民為堯舜之民豈不快哉乃呈起數珠云諸人

還見這箇麼良久云此是老僧來京師換得底諸人各

自歸堂摸安看 塗毒策云為山關門閉戶佛鑑下語

騎牆雖然換得眼睛未免失却鼻孔若是塗毒即不然

待侍御問是喫粥飯僧是參禪僧祇向伊道是喫粥飯僧

待伊問在此作甚麼祇向伊道專待侍御供養還知麼

堯舜不彰各自化相逢何必動干戈

仰山寂禪師九遇參須入僧堂不審聖僧一日有僧把住

云和尚見了不審不見了不審師云我到這裏也疑着

死心新云仰山自疾不能救焉能救他疾正當恁麼時

還有不疑着者麼

紫湖蹤禪師中夜於僧堂內高聲叫捉賊捉賊眾皆驚起

師乃拈住一僧云捉得也捉得也僧云不是某甲師云是

即是不肯承當

翠巖芝云紫湖也是相頭買帽破庵先云紫湖只知驚羣動眾賣峭誇後不顧傍觀自招其咎何故誣人之罪以罪加之

丹霞然禪師再謁馬祖未參禮便入僧堂騎却聖僧項而坐眾皆愕然報馬祖祖入堂見即笑云我子天然師跳下作禮云謝師安名因各天然祖問甚處來師云石頭來祖云石頭路滑還躓倒汝麻師云若躓倒即不來也

趙州論禪師僧問太眾雲集合談何事師云今日拽禾頭豎僧堂云莫只這箇便是接人無師云老僧不解難陸不解長行又問僧堂中還有祖師也無僧云有師云喚來與老僧洗脚

趙州因有一婆子入僧堂云這一堂師僧總是婆生只有

大底孩兒五逆不孝師纔顧視婆便出去

松源岳云一人打檀拍板一人吹無孔笛梵音清雅令人樂聞且道是甚麻由調洞庭山脚太湖心

臨濟玄禪師一日在僧堂前坐見黃蘗來却閉目蘗見乃作怖勢遙遙過歸方丈師隨後具威儀去禮謝了退時首座在畔立蘗云這僧雖是後生却知有此事座云老和尚脚跟不點地證據箇後生蘗於口上自擗云却是老僧罪過座云知即得

雪峰存禪師示眾云望州亭與汝相見了也烏石嶺與汝相見了也僧堂前與汝相見了也後來保福問鵝湖僧堂前且致望州亭烏石嶺甚麼處相見來鵝湖驟步歸方丈保福便低頭入僧堂

東禪齊云此二尊宿會不是相見不相見試斷看 雪  
 竇顯云二老是則是只知雪峰放行不見雪峰把定忽  
 有箇衲僧出來問未審雪竇作麼生豈不是別機宜識  
 休咎底漢還有望州亭烏石嶺相見底衲僧麻谷良父云  
 擔板禪和如麻似粟 薦福信云古人與麼只有順水  
 之波且無逆風之浪 寶林遠云雪峰是三處相見保  
 福以兩處問又鵝湖只解把定不解放行若有問寶林  
 烏石嶺望州亭甚麼處相見攔腮便掌待伊擬議拽拄  
 杖打出三兩且要與雪峰流通此話  
 汾陽昭頌云望州烏石與堂前相見相逢萬萬千唯有  
 鵝湖并保福此時相見解推遷 海印信云望州烏石  
 常相見何故禪人却背違保福鵝湖雖得意埋兵曾未

展謝旗 佛眼云密密堂堂早二三本來無物更何  
 堪癡人見了生歡喜作者相逢滿面慚 徑山泉云望  
 州烏石與僧堂業識忙忙不可當提起衲僧拄杖子五  
 湖四海沸如湯 大洪遂云登山過水幾區區特地相  
 逢問道途堪笑華山潘處士長安路上倒騎驢  
 雲居齊禪師問僧從甚麼處來云堂中來師云何得謾語  
 翠巖芝云若不如是爭知如是 慈受深云這僧是小  
 謾語雲居是大謾語  
 隆慶閑禪師因與黃龍同看僧堂龍云好僧堂麼師云好  
 僧堂龍云好在其處師云一梁拄一柱龍云此未是好處  
 師云和尚又作麼生龍以手指云這一柱得與麼圓那一  
 枋得與麼扁師云入天善知識須是和尚始得龍出堂外

却云適來與麼道是肯你不肯你師云若與麼何曾得安樂處

道吾真禪師問僧甚處來云堂中來師云聖僧道甚麼僧近前不審師云東家作驢西家作馬云過在甚麼處師云萬里崖州

雲居簡禪師僧問孤峰獨宿時如何師云閑却七間僧堂誰教你孤峰獨宿

丹霞淳頌云法爾非修本士成平常酬答最分明端然指出長安道無忝遊人不肯行

安國球禪師問了院主云先師道盡十方世界是箇真實人體你還見僧堂麼主云和尚莫眼花師云先師遷化肉猶暖在

招慶燈禪師問僧離甚麼處云報恩師云僧堂大小云和尚試道看師云何不待問

大陽堅禪師在靈泉入室泉問你從甚麼處來師云僧堂裏來泉云你為甚麼不築着霞程師於言下省悟

大梅煦禪師參重居齊禪師居問汝從甚麼處來若從僧堂來即是謾語不從僧堂來又是自瞞汝從甚麼處來師於言下頓悟

石霜誠禪師僧問承古有言蒲眼青山無寸樹極目綠水絕波瀾未審佛殿與僧堂又如何師云風擊樹頭波浪起石人夜半棹船歸

鼓山晏國師見保福共僧在茶堂中說話師云莫葛藤福云葛藤即不得商量佛法還得也無師作擲勢福云過在

甚麼。更師又打一擲。

三聖然禪師初行脚時至一叢林有數百衲子盡著三事衲衣師往白維那欲入僧堂掛搭那云上座如何同座主相似又無衲衣爭得入堂陪眾師乃出外牽一頭驢著三事衲衣入堂司那云參堂去師乃牽驢巡堂了近棧樞邊立拈椎云道得即不打如是三問眾皆無對師乃打棧樞一下出去小對

楊提刑寫殿額觀 觀 觀

文遠在殿上禮拜見禮 拜 門

黃蘗在鹽官殿上禮拜現 現 現

閻王問雪峰擬蓋一所殿現 現 現

行者入佛殿觀 觀 觀 王太尉入佛殿觀 觀 觀

趙州在佛殿上喚侍者觀 觀 觀

欽山殿上看花觀 觀 觀

鼓山在殿上拈鉢觀 觀 觀

趙州至菜黃法堂上探水觀 觀 觀

漸源將鐵子上法堂負靈骨觀 觀 觀

趙州至菜黃法堂上看箭觀 觀 觀

藥山臨終時叫法堂倒觀 觀 觀

王常侍同臨濟入僧堂觀 觀 觀

興化入僧堂見首座坐禪觀 觀 觀

瀉山因鄧隱峰入僧堂觀 觀 觀

趙州在僧堂中叫救火觀 觀 觀

雪峰僧堂中燒火觀 觀 觀

投子在僧堂中睡觀 觀 觀

南泉牽牛巡僧堂觀 觀 觀

臨濟在僧堂中睡觀 觀 觀  
興化巡堂云聖箭觀 觀 觀





不云未有文嶺云汝回舉似踈山道大嶺云若將三文與  
伊和尚此生決定不得塔若將兩文與伊和尚與匠人同  
出一隻手若將一文與伊累他匠人眉鬚墮落僧回舉似  
踈山山具威儀遙望大嶺禮拜歎云將謂無文大嶺古佛  
放光射此間雖然如是也是膺月蓮花大嶺後聞之乃云  
我與麼道已是龜毛長三文

浮山遠云踈山以錐斲地大嶺用力剗空雖然二古德  
錯下錐刀今時人亦難搆赴何故後語中有稍有殺然  
雖如是河裏失錢河裏漉圓悟勤云諸方作者千里  
同風萬派朝宗千途共轍陳尊宿尋常道老僧只有一  
口劍劍下有殺人之意亦有分身之路看他受用剗斲  
不妨八面玲瓏若不是踈山度量通方爭見得金聲玉

振只如道若將三文與伊和尚此生決定不得塔不可  
勞而無功若將兩文與伊和尚與匠人同出一隻手未  
免拖泥帶水若將一文與伊累他匠人眉鬚墮落直得  
水灑不着踈山云也是膺月蓮花土曠人稀大嶺云已  
是龜毛長三文亦有殺人刀亦有活人劍大衆且道畢  
竟明甚麼邊事翻身獅子大家看佛燈珣云踈山傾  
囊答謝其奈不頭有寸這僧只知造塔元來秤尾無星  
大嶺三文兩鐵支破不難慧日若作這僧待踈山恁麼  
道但對曰某甲今日功不浪施着得箇語免被三文兩  
鐵擾亂一生不教踈山外揚家醜只如膺月蓮花龜毛  
三尺又且如何要會麼待諸人造塔成就即向你道  
佛鑑勤頌云接得風流傳粉郎一朝三度巧梳粧改頭

換面無人識元是東村李二娘。佛性泰云窣堵波成  
賞匠人工錢一二與三文可憐眼裏無筋者當面定將  
數目分。鼓山珪云袖頭打領無添減腋下刺襟有短  
長大庾嶺頭一尊佛踈山兩度放毫光。徑山杲云鑿  
壞十方常住地。三錢使盡露屍骸羅山古佛雖靈驗未  
免將身一處埋。雲巖因云一文兩文與三文踈山大  
嶺謾區分須知無縫元無價獨露乾坤聳白雲。  
幽棲禪師因僧為師造壽塔畢師乃領眾看塔即入塔內  
端坐云一客不煩兩主人便告寂眾僧競喚云和尚許多  
年在世不可便即恁麼去遂昇歸主事辦齋了師復上堂  
告眾云不得喚作是不得喚作非汝喚作甚麼時有僧出  
問承和尚有言不得喚作是不得喚作非未審喚作甚麼

師便珍重告寂。  
趙州諗禪師因入內回路上見一幢子無一截僧問幢子  
一截上天去也入地去也師云也不上天也不入地云向  
甚麼處去師云撲落也。  
鵝湖大義禪師因一僧乞置塔李尚書問僧云教中道不  
許將死屍塔下過又作麼生僧無對却來問師師云他得  
大闡提。  
興化獎禪師僧問多子塔前共談何事師云一人傳虛萬  
人傳實。

投子青云然諸佛不出世亦無有涅槃佛既如是道亦  
如然是以從上諸聖空證此地所以燃燈不付正覺自  
成法既無傳至今續焰法既無得更復何談因測稱揚

虛談玄說然到此地者何必塔前相見對眾拈花截臂  
 傳衣方為道矣既不如是因甚麼大庾嶺頭提不起復  
 須云於道無所證方通萬法路或明或暗行不慎亦不  
 護月來松色寒雲去青山露今古天台橋幾人能得度  
 雪峰存禪師自製塔銘并序云夫從緣有者始終而成壞  
 非從緣得者摩劫而常堅堅之則在壞之則捐雖然離散  
 未至何妨預置者哉所以疊石結室剪木合函搬土積石  
 為龕諸事已備頭南脚北橫山而卧惟願至時同道者莫  
 違我意知心者不易我志深囑再囑幸勉勵焉縱然他日  
 邪造顯揚豈如當今正眼密弘善思之審思之銘曰兄弟  
 添十字雪寶註云國無同儀註云風行草松山絕註云四顧匪外塔號難提倚註云獨露相更有胡家曲

註云一東一西汝等切須知註云自南自北我唱泥牛吼註云  
又云大難和木馬嘶註云見應合但看五六月註云豈可  
吁冰片蒲長街註云事非草薪盡火滅後註云去去誰  
室爛如泥註云須到如翠巖真云然寰中天子勅塞外將軍令雪峰前不至村  
 後不構店若是翠巖和泥合水且與麼三十年後莫瞞  
 預  
 雪峰與玄沙行次師指面前地云這一片田地好造一箇  
 無縫塔沙云高多少師上下顧視沙云人夫福報即不無  
 和尚靈山受記未覓見在師云你作麼生沙云七尺八尺  
 琅琊覺云國清才子貴家富小兒嬌圓悟勤云要神  
 通妙用須參雪峰要田地穩密須參玄沙更有一箇不

涉二途諸人還委悉麼須彌頂上擊金鐘佛燈珣云  
父子同行相將入草起無縫塔功多策巧帶水拖泥漏  
逗不少雖然落七落八爭奈有道理好

雪峰與玄沙遊山次師云欲將此一片地作長生地沙云  
看此一片地好造箇無縫塔師便作量勢沙云是則是某  
甲不與麼師云汝作麼生沙云造塔師云好好

巖頭齋禪師因與羅山去卜塔基羅山至中路忽云和尚  
師回顧云作麼山舉手云這裏好片地師咄之云瓜州賣  
瓜漢

臨濟玄禪師到熊耳塔頭塔主問云先禮佛先禮祖師云  
祖佛俱不禮主云祖佛與長老有甚麼冤家俱不禮師便  
拂袖而出

洞山价禪師問僧甚麼處來云王祖塔頭來師云既從祖  
師處來又要見老僧作甚麼云祖師即別學人與和尚不  
別師云老僧欲見閣梨本來師還得不云亦須待和尚自  
出頭來始得師云老僧適來暫時不在

玄沙偈禪師僧問如何是無縫塔師云這一縫大小  
玄覺云叢林中道恁麼來何處得無縫還會得着不着

天童覺云現成公案你若道據款結案我知你未識玄  
沙若有又問長蘆祇向道四稜塌地且道識玄沙不識  
玄沙具眼者辨看

雲門偃禪師問僧甚麼處來云禮塔來師云護我云某甲  
實禮塔來師云五戒也不持  
保福云智不責愚汾州云彼此相鈍置

雲門問僧甚處來云禮塔來師云祖師道甚麼云和尚道甚麼師云將謂是箇靈利漢僧無對師代云祇為任義道中又問僧甚處來云南華塔頭來師云祖師有甚麼言句云有師云不得錯舉云請和尚領話師云我道你下不成二不是復自代云和尚太煞教令

風穴沼禪師僧問寶塔元無縫金門即日開時如何師云智積佐來空合掌天王捧出不知音云如何是塔中人師云菱花風掃去香水雨飄來

琅琊覺云風穴若無後語大似紀信詐降

報恩明禪師舉雪峰塔銘問僧從緣有者始終而成壞非從緣有者歷劫而長堅堅之與壞即且置雪峰只今在甚麼處僧無對

盤龍山可文法嗣

傳灯二十

法眼代云只今是成是壞

龍溪禪師謂眾云直饒說似箇無縫塔也不免老僧下一箇撮作麼生免得下撮眾無對師自代云下去僧問如何是無縫塔師云百寶莊嚴今已了四門開豁已多時

報國照禪師因佛塔被雷霹有又問祖佛塔為甚麼却被雷霹師云通天作用云既是通天作用為甚麼却霹佛師云作用何處見有佛云爭奈狼藉何師云見甚麼

歸宗柔禪師僧問如何是空王廟師云莫少神云如何是廟中人師云適來不謾道

黑水環禪師因居士問阿育王造八萬四千寶塔佛向阿那塔中受用師云速禮拜

法雲本禪師僧問寶塔元無縫如何指示師云煙霞生

龍華吳照法嗣

傳灯廿二

背面星月繞簷楹云如何是塔中人師云竟日不干清世  
事長年占斷白雲鄉

雪竇顯禪師一日同僧遊山次到開山和尚塔頭僧云見  
認開山便是黃巢師云黃巢是草頭天子為甚麼却作在  
山人僧云忌辰也好與他設粥師不肯乃自代云賞不避  
仇讎

泗洲塔頭侍者及時鎖門有人問既是三界太師為甚麼  
被弟子鎖侍者無對

法眼代云弟子鎖太師鎖  
法燈代云還我鎖匙來

老宿代云吉州鎖虔州鎖

徑山杲禪師謁無盡居士為湛堂準禪師求塔銘纔相見  
便問祇恁麼着草鞋遠來師云數千里特來見相公士問

年多少師云二十八云水牯牛年多少師云兩箇云甚麼  
處學得這虛頭來師云今日親見相公士云念汝遠來且  
坐喫茶茶罷士問公遠來有何事師趨前云泐潭和尚示  
寂茶毘眼睛牙齒數珠不壞舍利無數山中耆宿皆欲得  
相公大手筆作塔銘激勵後學得得遠來冒瀆鈞聽士云  
今有一問若道得即做塔銘遂問聞準老眼睛不壞是不  
師云是士云我不問這箇眼睛師云相公問甚麼眼睛士  
云金剛眼睛師云若是金剛眼睛在相公筆頭上士云恁  
麼則老夫與他點出光明令他照天照地去也師進謝云  
先師多幸謝相公做塔銘士唯唯而笑  
越州沙門曇彥與檀越許詢字玄度同造博木木塔一所  
彥有神異天降相輪能駐日倍工復從地引其膊至塔頂

未就詢云彥壽長可百二十餘歲猶待得詢後身為岳陽  
 王來撫越州彥預告門人云許玄度來也又咸謂師老言  
 無準時岳陽王早承誌公密示纔到便入寺彥出門遙見  
 乃召云許玄度來何暮昔日浮圖今如故王云弟子姓蕭  
 名誓師何以許玄度呼之彥云未達宿命焉能知之遂握  
 手入室席地彥以三昧力加被王忽悟前身造塔之事死  
 若今日由是二塔益資壯麗  
 雲居祐禪師疾諸方死必塔者乃云山川有限僧死無窮  
 他日塔將無所容於是於開山宏覺塔之東作外塔云凡  
 住持者非生身不壞火浴雨舍利者皆以骨石填于此其  
 西又作外塔云凡僧化者皆以骨石填于此謂之三塔三  
 塔之名自此始矣

羅浮如禪師問太陽如何是無縫塔陽良父師便禮拜陽  
 云見箇甚麼道理師云不辭祇對和尚恐上紙墨陽云官  
 不容針

承天確禪師僧問無縫塔即不問如何是玲瓏塔師云荆  
 棘林中旃檀樹麋鹿羣裏麝香兒

○僧問如何是無縫塔

南院顛禪師答云七花八裂 智門祚禪師云四楞着

地 石門聰禪師云直下看 三相禪師云百縫不

得 同安丕禪師云吽吽 首山志禪師云汝河南

畔蒲牆鎮 淨源真禪師云山深人難見 黑水環

禪師云祥生禪苑千峰秀 瑞繞嘉川萬壘新 自嚴上

座云藪苑泥土 琅琊覺禪師云永鎮紅霞裏 廣

法源禪師云搥不得  
手教君圖繪也無門

廣教雲禪師云任是僧繇誇好  
雲峰悅禪師云四楞着地

開元潭禪師云風吹不入

三祖宗禪師云十字街頭

○進云如何是塔中人

南院云頭不梳面不洗

智門云鼻孔三斤秤不起

石門云退後退後

三相云對面不相識  
同安云

今日大有久從建昌來

首山云無限閑田屬劉家

淨源云路僻更無隣

黑水云速禮三拜  
自巖云

含齒戴髮

琅琊云常伴白雲閑

廣法云無面目

廣教云揚眉招手喚對面少人逢

雲峰云香風吹

菱花更雨新好者

開元云鼻孔大頭向下  
三祖

云勾三攬四

○僧問如何是無縫塔

大隋真禪師答云高五尺云某甲不會師云鵲<sup>ツ</sup>崙<sup>カハラ</sup>

大陽楷禪師云白雲籠嶽頂終不露<sup>ツ</sup>鬼<sup>ツ</sup> 洞山初禪

師云十字路頭石獅子 葉縣省禪師云破皮厚三寸

云未審意旨如何師云金榜題名天下傳 華光範禪

師指僧堂云此間僧堂無門戶 齊雲臻禪師云五六

尺其僧禮拜師云塔倒也 金沙禪師云來者皆瞻敬

云瞻敬後如何師云峰山不露頂 黃葉謚禪師云獨

曉孤輪三界外長年踈豁古路中 石門徹禪師云龍

渡碧潭含朗月今來一句對機公又云龍樓無宿客御輦

百花新

唐肅宗問忠國師無縫塔現時



世尊於多子塔前以伽藍圍迦葉觀

宋太宗幸開寶塔現

菴主造無縫塔觀

法眼問大聖出塔觀

*[Faded bleed-through text from the reverse side of the page]*

丈室

世尊令文殊詣維摩詰。問疾時維摩詰心念。今文殊師利與大眾俱來。即以神力空其室內。除去所有及諸侍者。唯置一床。以疾而臥。文殊既入。其舍見其室空。無諸所有。獨寢一床。時維摩詰遂與文殊廣說法要。於是維摩詰現神通力。即時須彌登王遣三萬二千獅子之座。高廣嚴淨。入維摩詰室。諸菩薩大弟子。釋梵四天王等。皆所未見。其室廣博。悉包容三萬二千獅子座。無所妨礙。於毘耶離城及閻浮提。四天下亦不迫迫。悉見如故。

雲峰悅云。作家宗師天然有。在僧問和尚作麼生。因有

頌示之云翠巖方丈無遮障衲子入來便見和尚僧  
便禮拜起師云還見翠巖這箇老漢麼僧擬議師以拂  
子驀口搥

仰山寂禪師參東寺寺云已相見了不用上來師云與麼  
相見莫不當麼師便歸方丈閉却門師歸舉似馮山山云  
寂子是甚麼心行師云若不與麼爭識得伊師到淨源

保福展云仰山大似蚊子上鐵牛 承天宗云仰山識  
得東寺強說道理即不可設使馮山去也未能得與東  
寺相見在

臨濟玄禪師到天慈慈在方丈內坐師云端若丈室時如  
何慈云寒松一色千年別野老拈花萬萬春師云今古求  
超圓智體三山鍊斷萬重關慈便喝師亦喝慈云作甚麼

師拂袖便出

保壽沼禪師因僧問訊師云百千諸聖盡不出此方丈內  
僧云祇如古人道大千沙界海中漚未審此方丈向甚麼  
處著師云十聖見在云阿誰證明師擲下拂子僧從西過  
東立師便打僧云若不入參焉知端的師云二千年後此  
話大行

圓悟勤云保壽向方丈裏布網張羅這僧向鈎餌邊擊  
頭帶角三度衝浪上來三度被他籠罩且道他得箇甚  
麼還會麼重賞之下必有勇夫 佛燈珣云捲則渾淪  
無縫舒則八面生光百千諸聖同趣十方轉機輪於掌  
握奮天用於當場非獨三千年後面前蒼蒼鬪香  
金牛禪師因臨濟來乃橫按拄杖方丈前坐濟遂拊掌三

下歸堂去師却下去入事了便問賓主相見各有軌儀上座何得無禮濟云道甚麼師擬開口濟便打一坐具師作倒勢濟又打一坐具師云今日不若便遂歸方丈

馮山問仰山云此一尊宿還有勝劣不仰云勝即總勝劣即總劣馮山果云一人焦輒打著連底凍一人得便宜是落便宜具眼者辨取

則川禪師在方丈內坐次龐居士入來云只知端居丈室不覺客從外來時師垂下一足士便出三两步却入師却收足士云得恁麼自由自在師云爭柰我是主中人何士云只知有主不知有客師云侍者點茶與龐公士作舞而出佛鑑勲云龐公半出半入賓中有主則川伸脚縮脚主中有賓兩箇如解舞之人急拍急舞緩拍緩舞雖欲急

緩有殊須知其中格調且如何是其中格調各自定當看木圓智云奇哉則川正是摩訶陀國親行此今會麼坐籌帷幄決勝千里遇著龐公幾乎落草去龐公子莫一向走入荒草裏存身沒殺你去在塗毒策云善擒猛虎不在陷穽善御天敵不假多兵則川針頭上畧露鋒鋩自然神欽鬼伏祇如龐公又作麼生酒逢知己飲詩向會人吟

石霜諸禪師在丈室中坐有僧在明窓外問云咫尺之間為甚麼不覩師顏師云我道徧界不曾藏僧後問雪峰徧界不曾藏意旨如何峰云甚麼處不是石霜僧回舉似師師云這老漢有甚麼死急

玄沙云山頭老漢蹉過也 洞山代云笑殺土地 五

祖戒云著其來由。琅琊覺云雪峰雖有利久之心且無  
出人之眼。石霜雖有出久之眼未知向上一竅。法雲  
秀云要見石霜麼。富嫌千口少。貧恨一身多。  
汾陽昭頌云。千疑萬慮扣禪關。徧界非藏豈小言。象骨  
玄沙猶定動。恨他遊子失歸源。高賢不用隨聲色。地久  
天長且對門。保寧勇云。雙眸自小患生盲。兩耳從來  
只聽聲。指點萬端俱不見。如何彈指得分明。佛慧泉  
云。石霜雪老盡悠悠。月下相逢互唱酬。爭似釣螺江上  
客。一聲漁笛過滄洲。南華吳云。咫尺之間不覩師。頗  
幸然。獨露誰作遮欄。老倒石霜曾指瓦。區區雪老重饒  
舌。釣魚船上謝三郎。金剛腦後添生鐵。  
萬歲禪師與保壽是同參師。一日訪之。壽坐不起。師乃展

坐具。壽下禪床。被師坐却。禪床壽乃歸。方丈閉却門。師坐  
不起。主事云。和尚閉却方丈門。請庫下喫茶。師便歸院。保  
壽明日却去。復禮師還坐。不起。壽展坐具。師亦下禪床。壽  
乃坐却。禪床師遂歸。方丈閉却門。壽於侍者寮取灰圍却  
方丈。三匝便歸。師開門見云。我不與麼。他却與麼。  
梁山觀禪師與瑞長老在方丈坐話。次有僧問。二尊不並  
化。因甚麼。兩人居方丈。師云。一亦非。  
玄沙偈禪師與地藏。在方丈說話。夜深乃云。侍者關闔子  
門了。汝作麼。生出得。藏云。喚甚麼。作門。  
首山念禪師僧問。維摩方丈。不以日月為明。未審和尚方  
丈。以何為明。師云。穿破天下人觸體。  
葉縣省禪師僧問。維摩丈室。不以日月為明。未審和尚丈

室以何為明師云眉分八字云未審意旨如何師云雙耳垂肩

承天高禪師因開方丈門不得有僧問石壁山河無阻礙此門鎖為甚麼開不得師云石壁山河即易就中此門難開云開後如何師云是甚麼

承天因知郡與部署到見方丈門被入割破乃問和尚有護法善神為甚麼却被惡人窺竊師云賊是小人智過君子

首山念法嗣

廣慧瓊禪師一日坐方丈內有張負外來纔入門師便問獅子窟中為甚麼著野狐精張擬議師便推出掩却門張於土地堂取紙錢一陌掛方丈門便歸師開門見乃云須是這漢始得張來自拜見師師搔住云昨日公案作麼生

張擬議師與不堂手

慈明圓禪師一日於方丈內安一盆水上橫一口劍下著一雙草鞋橫按拄杖而坐見僧入門便指僧擬議師便捧已菴顏云和尚今日供養家親那又以手揶揄便作女人拜應菴華云我當時若見便去左耳邊低低地下

一轉語待他貪觀天上却與一指纔擬議拔劍便斬驀拄拄杖下座大眾一時趕散  
水庵一頌云家山指出路非遙萬仞峯我捩碧霄一片白雲橫谷口幾多歸鳥盡迷巢佛海遠云暮者往寒來春復秋多陽西去水東流將軍戰馬今何在野草閑花滿地愁

報恩資禪師因開方丈基僧問方丈基已成如何通信師

云不可昧兄弟此問云不昧底事又作麼生師云青天白日  
 雲居昌禪師僧問方丈前容身時如何師云汝身大小  
 石門聰禪師云早朝殿設法堂上聚會晚後鐘聲方丈裏  
 相見法堂上聚會即不問作麼生是方丈裏相見底句師  
 自代云不通風  
 舜峰韶禪師因僧正入方丈乃云方丈得恁麼黑師云老  
 鼠窟正云放猫兒入好師云試放看僧正無對師乃拊掌  
 而笑  
 老宿在方丈獨坐李翱尚書問云端居丈室當何所務宿  
 云法身凝寂無去無來  
 法眼別云汝作甚麼來  
 法燈別云非公境界

泉州王延彬入招慶院見方丈門閉乃問演侍者有人敢  
 道大師在不演云有人敢道大師不在不

法眼別云太傅識大師

梁山崇禪師僧問又親師丈室如何得了時師云展手不  
 逢入是非難隱節

西山譚山主一日在方丈內坐有僧問古人題維摩方丈  
 不得意旨如何師云你試題看云某甲不答師云不答却  
 好僧禮拜師云汝親到維摩方丈來

壽聖韶禪師僧問師登丈室如何指南師云上來下去僧  
 云流通於世也師喝一喝僧禮拜師云靜處薩婆訶

老宿因僧問如何是密室中人宿云有客不答話  
 玄沙云何曾密 歸宗乘別老宿云你因甚麼得見

南泉願禪師僧問端居士室將何指南師云昨夜三更失却牛天明起來失却火

徑山杲云妙喜初住育王亦不曾失却牛亦不曾失却火或有人問師居士室將何指示於人只向道錢穀渴飲閑坐困眠且道與南泉是同是別若也道得許你是箇衲僧若道不得三十年後却來方丈裏面你道保寧勇頌云昨夜三更失却牛天明起來失却火腰未繫穿鞋未穿面不洗穿頭不裹

廣德義禪師僧問如何是密室師云茹茨當大道云如何是密室中人師云歷劫沒入敲

天衣懷禪師僧問舊店新開時如何師云汝不是南番船主云開後如何師云還我話頭來云遇船主來時如何師

雪豆頭法嗣

云想君不是金牙作其僧擬議師便喝僧亦喝師云齋後鐘

雲居舜禪師僧問千里特來即不問舊店新開事若何師云你要買箇甚麼僧提起坐具云還有這箇麼師云東行不見西行利云有錢堪作好兒郎師云呼你護我

眉州黃龍禪師僧問如何是密室師云研不開云如何是密室中人師云非男女相

風穴沼禪師僧問如何是密室中事師云出袖談今古廻顏獨皺眉

大歷聰禪師僧問如何是密室中事師云團圓不可視云如何是密室中人師云對面難改

蔣山心禪師僧問如何是密室師云四通八達云如何是

密室中人師云南來北往

南泉閉方丈門見門

漸源捲簾在方丈坐見簾

無垢院化浴室見木

泉守請玄沙登樓見宰

鄭工部與嵩禪師把手見宰

張生割宅前堂與覺禪師作方丈見儒

黃蘗見趙州來閉方丈門見門

玄沙與泉守在室中說話見門

門戶

世尊一日見文殊在門外立乃云文殊文殊何不入門來  
文殊云我不見一法在門外何以教我入門

玄覺徵云為復是門外語門內語 馮山語代云吾不  
如汝 性空云文殊雖善道理未免以方木逗圓孔

維摩會上三十二菩薩各說不二法門至文殊云我於一  
切法無言無說無示無識離諸問答是為菩薩入不二法  
門文殊又問維摩維摩默然文殊嘆云乃至無有語言文  
字是菩薩真入不二法門說是入不二法門時於此眾中  
五千菩薩皆入不二法門得無生法忍

保福展云文殊也似掩耳偷鈴力盡烏江維摩一默未  
出化門又云大小維摩被文殊一坐直至如人起不得



琅琊覺云文殊與麼讚善也是杓卜聽虛聲維摩默然  
你等諸人切不得鑽龜打瓦 雪竇顯云維摩道甚麼  
後云勘破了也 馮山果云居士高門可謂壁立萬仞  
水泄不通擬心即差動念即隔不擬不動落在無事界  
中時人作麼生入良久云退後退後

雪竇頌云咄這維摩老悲生空懊惱卧疾毘耶離全身  
太枯槁七佛祖師來一室且頻掃請問不二門當特便  
靠倒不靠倒金毛獅子無處討 白雲端云一箇兩箇  
百千萬箇指尋丈數不辨暫時放在暗牕前明日與君  
重計筭 天童覺云曼殊問疾老毘耶不二門開看作  
家珉表粹中誰賞鑑忘前失後莫空嗟區區抱璞兮楚  
庭劉士瓌瓌報珠兮隋城斷蛇休點破絕疵瑕俗氣渾

無却較些 西禪需云言言言言飄雨灑雪默默默言

雷轟電掣藕絲孔裏騎太鵬等閑挨落天邊月

善財童子參五十二善知識末後到彌勒閣前見樓閣門  
閉善財暫時斂念云大慈大悲願樓閣門開念我得入尋  
時彌勒領諸眷屬至善財前彈指一下樓閣門開善財得  
入閣門便閉見百千萬億樓閣每一樓閣內有一彌勒  
領諸眷屬并有一善財而在前立

楞嚴經云十方薄伽梵一路涅槃門

雲門云你若不識大食國裏人在你眼睫裏賣香藥文  
云這箇是屋上頭是天手裏是拄杖作麼生是涅槃門  
法雲秀以手空中一畫喝云九流於是乎交歸衆聖於  
是乎冥會乃知新羅高麗南番日本西天此土十方世

伽耶舍多者摩  
提國人也姓樹  
頭蓋父天蓋母  
方聖嘗夢天神  
持鑑因而有娠  
九七月而誕

界一切人民盡在諸人鼻孔裏叫叫鬧鬧東頭買西  
頭賣諸人還聞麼若不聞還我耳朵來

十八祖伽耶舍多尊者至月氏國見十九祖鳩摩羅多問  
是何徒眾祖云是佛弟子彼聞佛號心神竦然即時閉口  
祖良久扣其門彼云此舍無入祖云無入者誰彼聞語異  
遷開門延接

汾陽昭云洎合忘却

馮山祐禪師在百丈時因司馬頭陀問野狐話作麼生會  
師乃以手撼門扇三下陀云太產生師云佛法不是這箇  
道理

佛心才頌云因果雙行孰共知茫茫四海路多岐擡頭  
撥出初生月便效張公畫翠眉佛眼遠云春至自花

開朱顏安在哉可憐園裏色不入鏡中來佛燈珣云  
盲人來與痲人批說著無因話病苗一下被他批著後  
平生痒處一時消

鶴林素禪師因僧敲門師問是甚麼人云是僧師云非但  
是僧佛來亦不著云佛來為甚麼不著師云無汝止泊處  
松源岳頌云十月清霜重臨風徹骨寒苦無棲泊處擺  
手出長安

木同濟禪師一日纔見龐居士來便拚却門云多知老翁  
莫與相見士云獨坐獨語過在阿誰師便開門纔出被士  
把住云是師多知是我多知師云多知且致閉門開門卷  
之與舒相較幾許士云紙此一問氣急殺又師不語士云  
弄巧成拙

福州烏石山  
吳觀禪師  
尋嘗高戶  
罕見之唯信  
士每至食時送  
便方閣

佛鑑勸云普濟閉門避客不知相見愈親龐公掩耳偷  
鈴不知欲隱彌露子細檢點將來總好與三十棒須是  
當人自點檢始得若點檢得出三十棒亦不為多若點  
檢不出三十棒是你喫

烏石靈觀禪師因雪峰來敲門師云誰峰云鳳凰兒師云  
作甚麼云來啗老觀師便開門搖住云道道峰擬議師便  
托開閉却門雪峰住後示眾云我當時若入得老觀門你  
這一隊啗酒糟漢向甚處摸擦

老宿云雪峰徒有此語當時入不得今也入不得明  
招謙代雪峰纔見開門便云動即喪又代老觀云俊哉  
俊哉雪竇顯云這辜恩負德漢有甚麼交涉當時入  
不得豈是教你入今既摸擦不著累他雪峰俱在老觀

門下

烏石常閉門獨坐一日雪峰敲門師便開峰搖住云是九  
是聖師乃唾云野狐精拓開又閉却門雪峰云也只要識  
老兒

松源岳云二不做二不休賓主互換有來由焦熱打著  
連底凍赤眼撞著有柴頭

趙州詵禪師因南泉一日閉却方丈門用灰圍著門外云  
若有人道得即開或有祇對多不契獨師云蒼天蒼天南  
泉便開門

趙州在方丈內聞沙彌唱參乃向侍者云教伊去侍者纔  
教去沙彌便珍重師向傍僧云沙彌得入門侍者在門外  
雲居錫云甚麼處是沙彌得入門侍者在門外這裏會

得便見趙州

鼓山珪頌云得入門在門外說向人人不會更高聲我耳背徑山杲云瑟瑟風松蕭蕭雨檜獅子咬人韓獪

逐塊

趙州僧問如何是趙州師云東門西門南門北門

雲竇顯頌云句裏呈機劈面來爍迦羅眼絕纖埃東西南北門相對無限輪槌擊不開羅漢南云豁達門開入趙州東西南北任遨遊龍樓鳳閣依然在失却來時好路頭照覺總云四廓闕鎮趙州幾於城下起戈矛將軍戰馬今何在野草閑花滿地愁普融平云袖裏金鎚一較手開東西南北絕纖埃石橋南畔臺山路報你遊人歸去來圓通僊云四門開豁任來遊脚下分

麻谷室微詞法

明到地頭四五百條花柳巷二三千處管絃樓

良遠座主初參麻谷谷見來便將鋤頭去鋤草主到鋤草處谷殊不顧便歸方丈閉却門主次日復去谷又閉門主遂敲門谷乃問阿誰主云良遠纔稱名忽爾契悟乃云和尚莫瞞良遠良遠若不來禮拜和尚消合被十部經論賺過一生谷乃開門令通悟由遂印可之及歸講肆散席告諸徒云諸人知處良遠總知良遠知處諸人不知

雲雨云便有逆水之波如今得入是順水之意亦喚作雙放時節又云麻谷問阿誰他道莫瞞某甲不是識破麻谷相見時節若不禮拜和尚消合被經論賺過一生亦知有賺人處又云作麼生是良遠知處汾陽昭頌云逆順之機不易當太根良遠解思真若非

父積同風事爭肯回頭見法王  
 乍遊盤鋤草關門豈易看真謂老師渾不是得相瞞  
 且相瞞佛眼遠云平生心膽向人傾到此門中有幾  
 人別後都城舊知己暖煙斜日又黃昏  
 白雲端云閉戶攜鋤已太賒更來當面受涂炭光中自覺遭瞞久方  
 信無人共出家海印信云閉戶攜鋤理最幽豁然大悟話元由從來學業空勞力始信黃河輒底流  
 南泉願禪師到宣州陸直大夫出城迎接乃指城門云人盡喚作雍門未審和尚喚作甚麼門師云老僧若道恐辱大夫風化陸云忽然賊來時作麼生師答云王老師罪過

雪峯存禪師示眾云盡大地是解脫門把手拽伊不肯入

時有僧出云和尚恠某甲不得又一僧云用入作甚麼師便打

雪竇顯云三箇中有一人受救在忽若總不辨明平地  
 上有甚數

雪峯因洞山云入門來須得有語不得道早箇入了師云某甲無口山云無口即且從還我眼來師休去

長慶稜云某甲謹退

雪峯到甘贄行者處贄見師來閉却門召云請和尚入師乃闢離掉過衲衣贄便開門

雪峯示眾云若未會且從迦葉門入時有僧問如何是迦葉門師云不見絲毫始得

睦州蹤禪師因吳尚書至門首便問三門俱開弟子從何

門而入師召尚書吳應諾師云從信門而入

雪竇顯別云客是主人相師

睦州因雲門敲門師問誰門云某甲師開門便擒住云道

道門擬議師便推出云秦時轆轤

睦州因僧敲門問已事不明乞師指示師云這裏只有棒

師纔開門僧擬開口問師便劈口擲

桐泉山禪師初到黃山山問天門一合十方無路若有又

道得擺手出漳江師云蟄戶不開龍無龍句山云是汝恁

麼道師云是即直言是不是直言不是山云擺手出漳江

師乃作禮

安國瑠禪師一日雪峰攔肩揜住師云盡大地是箇解脫

門把手拽伊不肯入師云和尚恠某甲不得峰云雖然如

此爭茶背後許多師僧何

雲蓋安禪師因僧問石霜萬古俱閉時如何霜云掌中事

作麼生僧經半年方始道得云無人接得渠霜云道也太

煞道祇道得八九成師聞却禮請石霜為道霜不道師乃

抱霜從方丈後去坐云和尚若不道須打和尚去霜云得

在師乃禮拜不往霜云無人接得渠師於言下有省

東禪齊云只如石霜意作麼生若道一般前來為甚麼

不許伊若道別有道理又只重說一遍且道古人意作

麼生翠巖芝云先行不到末後太過徑山杲云一

對無孔鐵鎚就中一箇最重天童覺云穩密田地忌

隨功動貼體衣裳會須脫却宗中辨的量外轉機須子

細始得同中之異酌然尚帶依稀異中之異直是難臻

妙極還到霜父子轉側處麻燭曉玉人初破愛夜寒  
青女未登機

投子青頌云古殿巖開月鎖松霜凝雪露韻無窮  
皇前人卧千峰室佛祖無因識得渠

雲門偃禪師僧問十方薄伽梵一路涅槃門薄伽梵即不  
問如何是一路涅槃門師云我道不得云和尚為甚麼道  
不得師云你舉話即得

雪竇顯別云淡水無魚徒勞下釣

雲門僧問龍門有意進水無能時如何師云來機即易再  
舉還難云正與麼時如何師云快

雲門云作麼生是扣門一句自代云打又一日云古人道  
從門入者非寶作麼生是門自代云道得也無用處

雲門一日開門見一僧來師乃問大用現前不存執則時  
如何僧無語師云你問我僧遂問師師掉兩手高聲云釋  
迦老子來也

白雲端云木象雲雨老兒不妨解因行掉臂耀古騰今  
爭奈傍人眼何且道傍人具甚麼眼乃云欲窮千里且  
更上一重樓

徑山誦禪師僧問龍門不假風雷勢便透得時如何師云  
猶是一品二品云此既是階級向上事如何師云吾不知  
你有龍門

雲居膺禪師僧問六尸不明時如何師云不涉緣云向上  
事如何師云慎者不護

投子青頌云春到石人視遠山鷓鴣啼花木碧波閑須知

嵩山契法嗣  
傳灯上

雲外巖松瑞千古迎風任歲寒

夾山會禪師僧問會處即不問不會處請師一言師云戶掛凋林影中辨取

丹霞溥頌云威音那畔不能行撒手還家懶問程寢殿無入空寂寂蒲牕唯有月虛明

漳江禪師云木門一合十方無路有入道得擺手出漳江保寧勇云將謂傍若無人

木光誨禪師因石霜問國家每年放舉人及第朝門還得拜也無師云有一人不求進霜云憑何師云他不為名霜又因疾問云除却今日別更有時也無師云渠亦不道今日者是霜甚然

鏡清付禪師僧問十方薄伽梵為甚麼一路涅槃門師云

家無二主

翠巖代云恠得人麼首山念代云到者方知又云一尚不可得又云常防此問

南院顯禪師僧問萬仞龍門今朝透過時如何師云全存霹靂聲云恠麼則全承布雨去也師云泥人眼赤

汾陽昭禪師僧問正法門中如何是和尚得人處師云衆星撒夜月不落紫微宮云恠麼則朗月獨當天也師云不昧夜行人

葉縣省禪師僧問木施門開請師垂示師云腦後抽簪云便恠麼會時如何師云孤峰無宿客僧云噓噓師便打

葉縣僧問如何是涅槃門師云三更無忌諱云未審此意如何師云切忌五更時



即龍潭禪師僧問初心後學乍入叢林方便門中乞師指  
示師敲門枋示之僧云向上還有事也無師云有云如何  
是向上事師再敲門枋

白雲端禪師僧問龍門未透時如何師云不是這箇調云  
透後如何師云不是這箇調僧擬議師云買賣不當價  
五祖演禪師示眾云白雲不會說禪三兩開在兩邊有之  
動春關按兩片東扇西扇

安國球禪師示眾云我此間粥飯因緣為兄弟提唱終是  
不常如今欲得省要却是山河大地舉明其事却常亦能  
究竟若從文殊門入者一切草木瓦礫助汝發機若從觀  
音門入者一切音響蝦蟆蚯蚓助汝發機若從普賢門入  
者不動步而到我以此三門方便示汝如將一隻折箭攪

彼大海令彼魚龍知水為命會麼若無智眼審而諦之任  
你百般巧妙不為究竟

琅琊覺云雖是善因而招惡果 保寧勇云大眾東西  
南北四維上下築著磕著不覺不知過在甚麼處良久  
云紅粉易為端正女無錢難作耍兒郎

樂淨匡禪師因普請打離次有僧問古人種種開方便門  
和尚為甚麼却攔截師云牢下檝著

萬杉智禪師僧問如何是文殊門師云千聖皆從此入云  
入後如何師云想你不知識僧禮拜師云不然

雲峰璿禪師僧問無縫鐵門請師一啟師云進前三步云  
向上無關請師一閉師云退後一尋云不開不閉又作麼  
生師云咩咩便打

智門柞禪師上堂云千人排門不如一人拔關僧便問如何是千人排門師云守株待兔云如何是一人拔關師云你不是這手脚

雲門開法堂門觀殿  
德山見僧來閉門觀殿

承天開方丈門不得觀殿  
玄沙關隔子門觀殿

橋路并附

馬祖一禪師因登隱峰辭師師云其處去云石頭去師云石頭路滑云卒木隨身逢場作戲便去纔到石頭遂繞禪床一匝振錫一下問是何宗旨頭云蒼天蒼天峰無對却回舉似師師云汝更去見他道蒼天蒼天汝便噓兩聲峰又去一依前問頭乃噓兩聲峰又無語歸舉似師師云向汝道石頭路滑

仰山寂禪師問東寺借路過那邊還得不寺云大九沙門不可祇借一路也別更有麼師良久寺却問借一路過那邊得不師云大九沙門不可祇借一路也別更有麼寺云祇有此師云大唐天子決定姓金  
趙州諗禪師僧問文嚮趙州石橋到來祇見略約師云你

祇見略約不見石橋云如何是石橋師云渡驢渡馬云如何是略約師云箇箇度人

雲居錫云趙州為當扶石橋扶略約

智門祚頌云趙州石橋本無星水急遊魚不易停橋上

祇觀驢馬跡誰人敢向御街行雪竇顯頌云孤危不

立道方高入海還須釣巨鰲堪笑同時灌溪老解云劈

箭前亦徒勞

趙州一日同首座看石橋乃問首座是其麼人造座云李

春師云造時向其麼處下手座無對師云尋常說石橋問

著下手處也不知

趙州僧問如何是日前獨脫一路師云無二亦無三云自

前有路還許學人進前也無師云與麼即千里萬里

趙州僧問如何是不錯路師云識心見性是不錯路

徑山果云捧打石人頭曝曝論實事不用作禪會不用

作道會若要不錯路須是識心見性始得且那箇是識

底心那箇是見底性有般底閻德麼道便道有求皆含

月無山不帶雲德麼見解正是鄭州出曹門

授子大開禪師一日與雪峯遊山次峰問那箇是龍眼路

師以杖指之峯云東去西去師云不快漆桶

保寧勇別雲峯云請和尚行

米倉禪師問僧近離甚處云冀州太湖師云閻梨來時太

湖向你道甚麼云知道米倉路峻師云到這裏又作麼生

云不異發足時道路師云閻梨已棄太湖去在云某甲亦

不肯和尚恁麼道師云來時路峻如今路平云不妨和尚

臨濟玄法嗣  
傳灯十二

此路師云漆桶裏漢有甚界限

圓悟勤云言前收句後放彼彼相照一當機爭奈只  
解長生路上行不解向絕氣息處轉作麼生道得一句  
令不相辜負去平步上青雲佛燈珣云發足超方地  
頭親到遇著險峻道途殺活杖子變豹米倉大路平如  
砥未說漆桶裏著到不捺紅粉也風流大體還他肌骨  
好

盤山積禪師示眾云向上一路千聖不傳學者勞形如猿  
捉影

琅琊覺云上來講讀無限良因揚岐會云口上著  
白雲端頌云盤山向上路何玄罕見行人耳有聲口上  
著來無咬處方知千聖不能傳松源岳云千聖不傳

到今日口上著來無等匹洞庭山脚太湖心行人路上  
空嗽啣

睦州跋禪師僧問如何是徑截一路師云大衆又立速禮  
三拜云請師道師云有頭無尾漢又云來來還我徑截一  
路來僧無語又僧問古人之有言究竟一路如何是究竟一  
路師云叫作你這榜子我這裏難遇筆墨兩狀一時領過  
僧云某甲有甚麼過師便打趁

韶山普禪師因薄布衲來參纔見師便問韶山路向甚麼  
處去師以手指云烏那青黯黯處去薄前把住云又嚮韶  
山莫便是不師云是即是聞黎有甚麼事云擬伸一問師  
還答不師云想君不是金牙作弄解鸞弓射蒼蓬云鳳凰  
直入煙霄去誰怕林間野雀兒師云當軒布鼓從君擊手試

展家風似老僧云一句迥起千聖外松蘿不與月輪齊師  
云饒君透出威音外猶較韶山半月程云未審過在甚麼  
處師云個儻之辭時人知有云恁麼則真玉泥中異不撥  
萬機塵師云曾般門下徒施巧妙云某甲只與麼和尚又  
如何師云玉女夜拋梭織錦於西舍云莫便是和尚家風  
也無師云耕夫製玉漏不是行家作云此猶是文談作麼  
生是和尚家風師云橫身當宇宙誰是出頭人師復問闍  
黎有衝天之氣老僧有入地之謀闍黎橫吞巨海老僧背  
負須彌闍黎按劍上來老僧握劍相待向上一路速道速  
道云明鏡當臺請師一鑑師云不鑑云為甚麼不鑑師云  
淺水無魚徒勞下釣導無語師便打

圓悟勤云薄布衲如虎帶角凜凜公毛威豈奈韶山據虎

頭收虎尾直得步步登高聲聲相應還知一老落處麼  
好手手中呈好手紅心裏中紅心

洞山价禪師僧問和尚尋常令學人行鳥道如何是鳥道  
師云不逢一人云如何行師云直須足下無私去云祇如  
鳥道莫便是本來面目師云闍黎為甚麼却顛倒云甚麼  
處是學人顛倒處師云若不顛倒為甚麼却認奴作郎云  
如何是本來面目師云不行鳥道

丹霞淳頌云古路脩然倚天虛行玄猶是涉崎嶇不登  
鳥道雖為妙點檢將來已觸途

神山密禪師與洞山過獨木橋洞山先過了拈起木橋云  
過來師云价闍黎洞山乃放下木橋

丹霞淳頌云平地無端豎陷坑木橋拈起使又行沉沉

寒水如何渡月夜金鷄報五更

雪峰存禪師一日見僧來云開却路達磨來也我且問

你作麼生道云築著和尚鼻孔師便休

雪峰僧問弓弦作橋梁過得時如何師云隨身也

乾峰禪師問僧其處來云天台師云見說石橋成兩截是

不云和尚甚處得這消息來師云將謂是華頂峰前安元

來只是平由村裏人

乾峰僧問十方薄伽梵一路涅槃門未委路頭在甚麼處

師以拄杖劃云在這裏僧後請益雲兩門拈起扇子云扇

子踈跳上三十三天築著帝釋鼻孔東海鯉魚打一棒雨

似盆傾會麼會麼

雪竇顯代僧唱曾有僧請益長慶慶云問取堂中第二

洞山良价法嗣  
傳灯十七

座雪竇代僧云錯尋有僧問雪竇竇云隋坑落壑又自

代云作賊人心虛黃龍南云乾峰一期指路曲為初

機雲門乃通其變故使後人不倦大馮秀云今古盡

道乾峰安居祖師之堂開後人之徑路殊不知乾峰老

漢被這僧一問直得手忙脚亂諸德且道請說在甚處

良又云不在水兮不在山只在人心返覆間東林總

云有一古德道乾峰搖頭雲門擺尾這僧只是箇撞露

柱漢脚跟下透過也不知便謂東家點燈西家暗坐龍

吻海寶遊魚不顧山僧今日不可也隨波逐浪臨危悚

入殊不知大小乾峰雲門俱被這僧勘破且道甚麼處

是勘破處良又云多時雨水不及曬浪

佛刹全彰處。一門中見善財。天童覺云入手還將  
 死馬醫。返魂香欲起。君老一期撥出通身汗。方信儂家  
 不惜眉。鼓山珪云乾峰不用指陳。雲雨休打骨董自  
 然東海鯉魚築著帝釋鼻孔。徑山泉云搭破雲門一  
 柄扇。拗折乾峰一條杖。二三千處管絃樓。四五百條花  
 柳巷。

雲門偃禪師僧問如何是向上一路師云九九八十一僧  
 問終日切切不得箇入路乞師指箇入路師云當機有路  
 雲門垂語云曹溪路上還有俗談也無代云一事一時  
 鏡清慧禪師僧問達者同遊一路行爲甚麼不行師云已  
 到平頭。

翠巖代云老兒還達也未。首山念代云不爭先又云

到了不知又云但請先行

鏡清問僧近離甚麼處云石橋師云本分事作麼生云近  
 離石橋師云我豈不知你近離石橋本分事作麼生云和  
 尚何不領話師便打僧云某甲話在師云你但喫棒我要  
 這話行

雪竇顯云然則倚勢欺人爭奈事不孤起這僧若能慎  
 初護采棒須是鏡清自喫

定上座在鎮州齋回到橋上歇有三人座主一人問如何  
 是禪河深處須窮見底師便擒住擬拋向橋下去時二人  
 座主連忙救云休休伊觸忤上座且放伊師云不是這二  
 座主從他窮到底

寶峰禪師問僧古久有一條路接初機晚進汝還知麼云

龍潭崇信  
 傳灯十五

請師指出古人一路師云恁麼則闍黎知了也云頭上更安頭師云老僧不合問僧云問又何妨師云我這裏不曾容人亂道出去

圓悟勤云作家宗師高提祖印獨據寰中具大慈悲放一線道且容你出一口氣若也把定要津直下似平田淺草戴角底太蟲有甚麼近傍處諸人要會麼一句截流萬機寢削佛燈珣云呼之則易遣之則難轉身有路躡足躡攀大小寶峰元來小膽慧日即不然請師指出古人路將謂靈利却不惺惺直下轉身句把手上長安

洞山良价法嗣  
傳灯十七

華嚴靜禪師問洞山學人未見理路未免情識山云你還見理路也未師云見無理路山云甚處得情識來師云學

人實問山云若與麼須向萬里無寸草處立師云無寸草處還許立也無山云直須恁麼去

首山念禪師僧問如何是首山出身路師云誰人障闔得云與麼則自在去也師云去即打折你腰又僧問十方薄伽梵一路涅槃門如何是一路師云龍蟠鳳舞子時前日出崑崙照大千

首山僧問如何是菩提路師云此去襄縣五里云向上事如何師云來往不易

投子青頌云問路窮途擬進程綠楊鶯語送行人牌標五里向君說莫道當年未指陳

首山僧問如何是徑截一路師云或在山間或在樹下

葉縣省禪師僧問無自人來請師指路師云坐餐都不問



莫作問禪賓僧云不會此理如何師云紫羅袋裏盛管語  
 金榜題名天下傳又僧問如何是涅槃路師云玄沙不出  
 嶺保壽不渡河又僧問如何是古今無異路師云俗人盡  
 裏頭云未審意旨如何師云閣黎無席帽又僧問古路重  
 開時如何師云無自之人不假燈云恁麼則七縱八橫無  
 去處也師云拍手唱歌行又僧問學人迷路請師直指師  
 云三更不閉戶云此理如何師云日午不點燈  
 神鼎譚禪師僧問持地菩薩修路等佛和尚修橋等何人  
 師云近後又云修猶未了在  
 石門聰禪師僧問請師指箇修行路師云殺又放火云彼  
 此修行為甚麼却如此師云果然不修行又僧問三差路  
 頭未審教學人往何路師云莫錯云便恁麼去時如何師

云錯

青峰楚禪師因白水問我聞洛浦有生機一路是不師云  
 是水云止却生機孰路上道將一句來師云生機路上死  
 人無數孰路上不著活漢水云此是洛浦底上座分上又  
 作麼生師云非但洛浦來山亦不柰何水云夾山為甚麼  
 不柰何師云不自道生機一路  
 匡山禪師示眾云匡山路匡山路巖崖嶮峻人難措遊人  
 擬議隔千山一句分明超佛祖  
 龍門求禪師僧問如何是龍門路師云嶮云為甚麼如此  
 師云點額却回來  
 老宿因送官次乃云老僧尋常不曾行此路官云尋常行  
 甚麼路宿無對

保寧勇代祇揖便回

三平忠禪師僧問還有學路也無師云有一路滑如苔云學之躡得不師云不擬心汝自看

黃山輪禪師僧問如何是青霄路師云鶴棲雲外樹不倦苦風霜

同安禪師僧問險惡道中如何進步師云玄身透過千差路碧海無波往即難

伏龍山禪師僧問行盡千山路玄機事若何師云鳥道不曾棲

泐潭悟禪師僧問如何是直截一路師云恰好消息云還通向上事也無師云魚從下過

金輪觀禪師僧問如何是靈源一路師云躡過作麼

妙濟浩禪師僧問如何是香山一路師云涓涓地云到者如何師云息汝平生

西禪禪師僧問三十六路阿那箇一路最妙師云不出第一手云忽被出頭時如何師云脊著地也不難

重雲暉禪師僧問不意塵生如何是進身一路師云足下已生草前程萬丈坑又僧問要路坦然如何履踐師云我若指汝則東南西北也

茶陵郁山主不曾行脚因廬山有化士至論及宗門中事教令看僧問法燈百尺竿頭如何進步燈云啞凡三年一日乘驢度橋一踏橋板而墮忽然大悟遂有頌云我有神珠一顆久被塵勞封鎖今朝塵盡光生照見山河萬朵因此更不遊方

楊岐方會法嗣

五灯全元

馬祖道一法嗣  
傳灯六

白雲端頌云百尺竿頭曾進步溪橋一踏没山河從茲  
不出茶川上吟嘯無非邏哩囉  
天衣懷禪師云九天雲路早須尋莫遣蹉跎歲月深天地  
懸遠向甚麼處去

南堂靜頌云夏金烏似火當空掛最高峰捧在青雲鏤  
法昌遇禪師問石門臯云近離甚麼處云石門師云我聞  
石門路峻水泄不通因甚到這裏云十里雙牌五里單埃  
師云途中事作麼生云到處行松色時時聽水聲師云來  
時水牯牛在甚麼處云自有入看師云鼻索為甚麼在法  
昌手裏臯云這老漢瞞却多少人隨後打一坐具師云三  
十年撈龍打鳳今日被鼠咬  
茗溪行禪師僧問如何是正修行路師云涅槃後有云如

南泉願法嗣  
傳灯十

何是涅槃後有師云不洗面云學人不會於無面得洗  
嵩山禪師僧問古路坦然時如何師云不前云為甚麼不  
前師云無遮障處

南塔涌法嗣  
傳灯十一

黃連山初禪師僧問古路無蹤如何進步師云金烏遠須  
彌元與劫同時云恁麼即達於彼岸也師云黃河三千年  
一度清

慧林妙濟禪師僧問千聖常行此路如何是此路師云果  
然不見

正勤蘊禪師僧問如何是正勤一條路師云塗深三尺云  
如何得到師云闍黎從甚麼處來

白雲闍禪師僧問白雲一路全因今日師云不是不是云  
和尚如何師云白雲一路草深一丈

西川法嗣  
傳灯十二

洞山初禪師僧問迢迢一路時如何師云天晴不肯去直待雨淋頭云諸聖作麼生師云入泥入水  
 大寧微禪師僧問如何是十善橋師云險云過者如何師云喪  
 羅山因禪師僧問自從認得曹溪路了知生死不相關曹溪路即不問如何是羅山路師展兩手僧云恁麼即一路得通諸路亦然師云甚麼諸路僧近前立師云靈鶴煙霄外鈍鳥不離巢  
 南臺安禪師僧問人人盡有長安路如何得到師云即今在甚麼處  
 南雄地藏禪師與天容在白雲開火路容云云道寶階倚似火路師云甚麼處不是

報恩逸禪師僧問如何是正直一路師云遠遠近近云便恁麼去時如何師云咄哉癡人此是險路  
 雍熙隆禪師僧問如何是向上一路師云脚下底云恁麼即尋常履踐師云莫錯認  
 偃臺感山主到圓通院相看第一座問云圓通無路山主爭得到來  
 歸宗柔代云不期又得相見  
 福州洪塘橋上有僧列坐一官人問此間還有佛麼僧皆無對  
 法眼代云汝是甚麼人  
 智異山禪師僧問如何是菩提路師云三門前云便恁麼去時如何師云看

水陸禪師僧問狹路相逢時如何師便攔肩拓  
 廬山慶雲禪師僧問如何是向上一路師云或進或退云  
 為其麼或進或退師云眼不見鼻  
 德山先禪師僧問直截一路請師速道師云擬心隔千里  
 玄玄任意看云恁麼則親切去也師云每年逢一度萬代  
 盡傳名  
 棲賢謔禪師僧問趙州石橋度驢度馬三峽石橋當度何  
 人師云蝦蟇蚯蚓云恁麼則百草盡靈惠師云踏不著  
 堯率寬禪師僧問如何是無明路上無生路師云鬧市裏  
 打磬云教中為其麼道求斷無明方成佛道師云方入圓  
 圓入方  
 靈隱聰禪師僧問古路重修時如何師云平高就下

夾山會禪師因修路次雪峰問云世路普請修玄路怎生  
 修師云瞪目全迷無你下鋤處  
 福嚴初禪師僧問如何是正直一路師云踏不著云踏著  
 後如何師云四方八面  
 湛堂準禪師僧問向上一路千聖不傳未審如何是向上  
 一路師云行到水窮處坐看雲起時云為其麼不傳師云  
 家家有路透長安云只如衲僧門下畢竟作麼生師云放  
 你三十棒  
 九頂泉禪師僧問如何是無生路師云五里復五里云向  
 上還有事也無師云一步一徘徊  
 雲頂禪師僧問昔日相如題柱未是作家今日橋成請師  
 下筆師云彩氣夜常動精靈日少逢云荆山有玉鑑在下

和師云洪州斬冬瓜蒲江皆是血

趙州諗禪師在南泉時一日在井樓上打水見泉過乃抱定柱懸一脚云相救相救泉遂於踏梯上打云一二三四五師便下樓具威儀上方丈云適來謝和尚相救

佛鑑勲云一人將錯就錯一人看樓打樓然雖如是子為父隱直在其中

性空禪師僧問如何是祖師西來意師云如人在千尺井中不假寸繩出得此人即答汝僧云近日湖南暢和尚出世亦為父東語西話師喚沙彌寂子拽出這死屍著沙彌後舉似耽源如何出得井中人源咄云癡人誰在井中後又問瀉山如何出得井中人山乃召云惠寂寂應諾山云出也寂後住仰山常舉前話示眾云我於耽源處得名瀉

山處得地

瀉山祐禪師因普請開井謂仰山云今日開井有水為老僧將一盞來仰云水即未見先收得一椀紅塵待普請了呈似和尚便出普請了師問紅塵在甚麼處仰云和尚何不問冰師云喚你作老僧得麼仰云凝然

法眼益禪師因開井被沙塞却泉眼乃問僧泉眼不通被沙塞道眼不通被甚麼物礙僧無對師自代云被眼礙雪竇顯別云強將下無弱兵

雲蓋清禪師僧問有一人在萬丈井中如何出得師云且喜相見云恁麼則穿雲透日去也師云三十三天事作麼生僧無對師云脫空謾語漢

四禪禪師僧問古人有請不背今請和尚入井還去也無

夾山善會法嗣  
傳灯十六

雲居道膺

法嗣

雲門偈法嗣

傳灯二十三

師云深深無別源飲者消諸渴

丹霞溥頌云曹溪源流古之今意識徒將度淺深好是

昔人遊戲處然雖入井不曾沉

大梵禪師僧問如何是學人顧望處師云井底豎高樓云

恁麼即超然也師云何不撒手

觀音禪師因穿井僧問井深多少師云沒汝鼻孔

洞山問雲居入路見山

石門作清涼堰親

石門打堰上堂見水

臨濟問平田路鹿

丹霞在天津橋息

南泉因僧問路見

仰山問僧踏折橋梁見

僧問賣鹽翁路味

公期問騎牛公路鹿

趙州問婆臺山路規

禪林類聚卷第三

